

Akilaraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat (Akilaraarutit sippuutaannit ilanngaassisinnaaneq pillugu erseqqissaaneq)

§ 1

Akilaraaruserinermik ingerlatsineq pillugu Inatsisartut inatsisaat nr. 11, 2. november 2006-imeersoq, Inatsisartut inatsisaatigut nr. 2, 8. maj 2010-meersukkut kingullermik allanngortinneqartoq imatut allannguuteqartinneqarpoq:

1. § 25-mi imm. 7-itut ilanngunneqarpoq:

"Imm. 7. Akilaraarutit sippuutaannik utertitsinnginnermi makkununga akiligassaajunnartut utertitassanit ilanngaatigineqassapput:

- 1) aningaasarsianit akilaraarutit,
- 2) akitsuutit Namminersorlutik Oqartussat pisassaat,
- 3) aningaasarsianit akilaraarutitut tunngatillugu tapiliussat, ernialiussat aamma akiliisitsissutit il.il,
- 4) akiligassat allat Namminersorlutik Oqartussat pisassaat."

Imm. 7 taamaalilluni imm. 8-nngorpoq.

§ 2

Inatsisartut inatsisaat 1. december 2011-mi atuutilissaaq.

Namminersorlutik Oqartussat, ulloq 22. november 2011

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut